

**ACTA DA XUNTA DE GOBERNO LOCAL**  
**Sesión do 27 de decembro de 2016**

**ASISTENTES:**

**Membros :**

D. Abel Caballero Álvarez  
D. Carlos López Font  
M<sup>a</sup> José Caride Estévez  
D. Cayetano Rodríguez Escudero.  
D<sup>a</sup>. Olga Alonso Suárez  
D. Angel Rivas González.  
D. Jaime Aneiros Pereira.

**NON ASISTEN:**

D<sup>a</sup> M<sup>a</sup>. Carmen Silva Rego  
D. David Regades Fernández  
D<sup>a</sup>. M<sup>a</sup>. Isaura Abelairas Rodríguez

**Invitados**

D. José Manuel Fernández Pérez  
D. Santos Hector Rodríguez Díaz

Na Casa do Concello de Vigo, ás once horas e cincuenta minutos do día vinte e sete de decembro de dous mil dezaseis e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Alonso Suárez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamé presente por invitación, a titular do órgano de apoio á Xunta de Goberno Local, Sra. Campos Acuña.

A Xunta de Goberno Local adopta os seguintes acordos:

**1(1383).- RATIFICACIÓN DA URXENCIA.**

A Xunta de Goberno local ratifica a urxencia da sesión.

**2(1384).- REVISIÓN DE PREZOS DO CONTRATO DO SERVIZO DE INTERVENCIÓN FAMILIAR DO CONCELLO DE VIGO. EXPTE. 132014/301.**

Examinadas as actuacións do expediente, visto o informe xurídico do 1/12/16, e o informe de fiscalización do 22/12/16, dáse conta do informe-proposta de data 29/11/16, asinado pola técnica de Servizos Económicos, o xefe de Área de Benestar Social, a concelleira-delegada da Área de Política Social e o concelleiro delegado de Orzamentos e Facenda, que di o seguinte:

A Xunta de Goberno Local en sesión de 13 de xullo de 2012 adxudicou a CLECE, S.A o contrato dos servizos de intervención familiar (exped. 59058-301)

*O prego de cláusulas administrativas que rexe o contrato, establece a procedencia da revisión de prezos transcrido un ano dende a data de adxudicación e recollera o 85% da variación experimentada polo IPC nacional no período que medie entre a data de revisión e a data de adxudicación do contrato, sempre que esta se produza no prazo de tres meses dende a finalización do prazo de presentación de ofertas, ou respecto da data en que remate o dito prazo de tres meses se a adxudicación se produce con posterioridade.*

*En expediente 105871-301 aprobouse a segunda revisión de prezos (período outubro/2013-outubro/2014). O prezo do contrato trala revisión indicada quedou fixado en 510.544,86 euros*

*En expediente 118833-301 aprobouse a terceira revisión de prezos (período outubro/2014-outubro/2015). O prezo do contrato trala revisión indicada quedou fixado en 507.481,59 euros*

*O índice de prezos do consumo no período outubro/2015-outubro/2016, experimentou unha variación do 0,7 % segundo datos do INE que se achegan. Tal e como se determina nas pregos do contrato, o incremento recollerá o 85% da variación experimentada quedando fixada, polo tanto, a efectos do cálculo no 0,6% sobre a cantidade a actualizar (507.481,59 euros). que ascende a 3.044,89 euros.*

*O contrato para o período novembro/2016-outubro/2017 pasa a ter un importe de 510.526,48 euros.*

*Polo exposto con anterioridade, proponse á Xunta de Goberno Local a adopción do seguinte acordo:*

*Primeiro: Aprobar para o contrato de intervención familiar do concello de Vigo, adxudicado a CLECE,S.A., NIF A80364243, o incremento do prezo do contrato en 3.044,89 euros, correspondente ao 85% da variación experimentada polo IPC nacional no período revisado, outubro 2015-outubro 2016, que se contabilizará na partida 2310.2260907 "Programa menores-convenio infancia", todo elo en execución do prego de cláusulas que rexen o contrato.*

*O contrato para o período novembro/2016-outubro/2017 pasa a ter un importe de 510.526,48 euros.*

*Segundo: Notificar este acordo ó contratista, con indicación de que contra él caberá interpoñer recurso potestativo de reposición perante o mesmo órgano que a ditou no prazo dun mes ou ben, directamente, recurso contencioso-administrativo perante os xulgados do contencioso-administrativo de Vigo no prazo de dous meses, ámbolos dous prazos contados a partir do día seguinte á recepción da súa notificación. De se presentar o recurso de reposición, non poderá interpoñerse recurso contencioso-administrativo ata que sexa resolto expresamente o primeiro ou ben se produza a súa desestimación presunta polo transcurso do prazo máximo dun mes establecido para ditar e notificar a resolución .(Arts. 123 - 124 da Lei 39/2015 e 8, 25, 46 e ccdtes. da Lei 29/98)».*

## **Acordo**

A Xunta de Goberno local aproba a proposta contida no precedente informe.

**3(1385).- CORRECCIÓN DE ERROS NO ACORDO DE CLASIFICACIÓN DE OFERTAS PARA A CONTRATACIÓN DAS OBRAS DE “HUMANIZACIÓN DA BEIRARRÚA DA AVENIDA DE CASTELAO, ENTRE A RÚA REDONDELA E A RÚA PORRIÑO”. EXPTE. 3956/440.**

Examinadas as actuacións do expediente, dáse conta do informe-proposta de data 27/12/16, asinado pola xefa do Servizo de Contratación, que di o seguinte:

**NORMATIVA APLICABLE:**

- *Lei 39/2015, de 1 de outubro, do Procedemento Administrativo Común das Administracións Públicas (LPAC).*

**ANTECEDENTES:**

**Primeiro.-** *En data 23 de decembro de 2016, a Xunta de Goberno Local acordou, entre outros extremos, no apartado terceiro do punto 9 da orde do día “Terceiro.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación das obras de humanización da beirarrúa da avenida de Castelao, entre a rúa Redondela e a rúa Porriño (3956-440) na seguinte orde descendente:*

	<i>Empresas</i>	<i>Puntuación</i>
1	CONSTRUCCIONES FECHI, S.L.U.	94,75
2	COPCISA, S.A.	87,80
3	ORECO, S.A.	86,25
4	NEXIA INFRAESTRUCTURAS, S.L.U.	86,12
5	CONSTRUCCIONS OBRAS E VIAIS, S.A.	69,09
6	ACEVI SL ACTIVIDADES DE CONSTRUCCION EDIFICACION Y VIALES, S.L.	57,89
7	EXCAVACIONES Y CONSTRUCCIONES LAUREANO COVELO, S.A.	46,79
8	MONTAJES J.M. IGLESIAS, S.L.	26,81

**Segundo.-** *En data 26 de decembro de 2016, o xefe do servizo Administrativo e Control Orzamentario, informa o seguinte:*

*“Con data 22 de decembro emitiuse informe de valoración final despois da aplicación das formulas sobre as ofertas económicas presentadas polos licitadores no sobre “C”, e sobre as mesas, detectouse un erro na aplicación das formulas do apartado da puntuación do incremento das garantías, que non afectan ao primeiro clasificado, pero si modifica os seguintes na clasificación de orden. Polo cal procede a emisión do presente informe, no cal se procede a corrixir os erros do calculo que se recollen nas táboas que se anexan o presente informe:*

*Taboa-00. Relación de empresas licitadoras, admitidas o proceso de licitación  
Taboa-01. Datos da apertura das ofertas do sobre “C”*

Taboa-02.- *Calculo das ofertas anormais ou desproporcionadas.*

Taboa-03. *Cálculos para a puntuación das ofertas económicas.*

Taboa-04. *Cálculos para a puntuación das ofertas do incremento da garantía.*

Taboa-05. *Resumen das puntuacións mediante formula, coa puntuación total.*

Taboa-06. *Clasificación por orden decrecente da puntuación final.*

*Dos cálculos descritos nas táboas anexas indicadas no paragrafo anterior, desprendese o seguinte resumen, ordenado por orden decrecente das puntuacións obtidas nos criterios de xuízo de valor e por formula, polas empresas licitadoras e non consideradas como ofertas anormais ou desproporcionadas:*

*O resumen da puntuación por orden decrecente informada con data 22/12 deber ser substituída pola seguinte.*

	<i>Empresas</i>	<i>Puntuación</i>
1	CONSTRUCCIONES FECHI, SLU	94,75
2	NEXIA INFRAESTRUCTURAS, SLU	87,41
3	ORECO, SA	86,09
4	COPCISA, SA	79,59
5	CONSTRUCCIONS OBRAS E VIAIS, SA	69,09
6	ACEVI SL ACTIVIDADES DE CONSTRUCCION EDIFICACION Y VIALES, SL	54,81
7	EXCAVACIONES Y CONSTRUCCIONES LAUREANO COVELO, SA	43,30
8	MONTAJES JM IGLESIAS, SL	26,32

#### **FUNDAMENTOS XURÍDICOS:**

**Primeiro.**- *A lexislación de procedemento administrativo faculta ás administracións públicas a rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos (artigo 109.2 LRJAP).*

*No caso que nos ocupa, advertiuse un erro ao incluír a resposta dunha cuestión relativa a outro expediente. En consecuencia procede eliminar do acordo as referencias as alegacións formuladas pola Sra. Cochón, e dicir, o antecedente sétimo, o apartado b do fundamento xurídico primeiro, o fundamento xurídico cuarto e a mención as mesmas na parte dispositiva.*

**Segundo.**- *A competencia para a resolución do presente expediente correspóndelle á Xunta de Goberno Local, na súa calidade de órgano de contratación, conforme ó previsto no apartado 3 da disposición adicional segunda do TRLCSP.*

*Así, en mérito ó exposto, se propón á Xunta de Goberno, en uso das facultades que lle confire a lexislación vixente, a adopción do seguinte acordo:*

*“Rectificar o punto terceiro do acordo de clasificación do procedemento aberto para a contratación das obras de humanización da avenida de Castelao entre a rúa Redondela e a rúa Porriño (expediente 3956-440) substituíndo a táboa de clasificación pola seguinte:*

	<i>Empresas</i>	<i>Puntuación</i>
1	CONSTRUCCIONES FECHI, SLU	94,75
2	NEXIA INFRAESTRUCTURAS, SLU	87,41
3	ORECO, SA	86,09
4	COPCISA, SA	79,59
5	CONSTRUCCIONS OBRAS E VIAIS, SA	69,09
6	ACEVI SL ACTIVIDADES DE CONSTRUCCION EDIFICACION Y VIALES, SL	54,81
7	EXCAVACIONES Y CONSTRUCCIONES LAUREANO COVELLO, SA	43,30
8	MONTAJES JM IGLESIAS, SL	26,32

### **Acordo**

A Xunta de Goberno local aproba a proposta contida no precedente informe.

#### **4(1386).- CLASIFICACIÓN DE OFERTAS PARA A CONTRATACIÓN DAS OBRAS DE “HUMANIZACIÓN DA AVENIDA DAS CAMELIAS, ENTRE A RÚA DOUTOR MARAÑÓN E A RÚA JUAN RAMÓN JIMÉNEZ”. EXPTE. 3969/440.**

Examinadas as actuacións do expediente, dáse conta da proposta de data 27/12/16, asinada pola secretaria da Mesa de Contratación, que di o seguinte:

*A Mesa de Contratación do Concello de Vigo, na súa sesión de data 27 de decembro de 2016, realizou entre outras as seguintes actuacións:*

##### *2.- Proposta de clasificación*

- a) *Procedemento aberto para a contratación das obras de humanización da avenida das Camelias, entre a rúa Doutor Marañón e a rúa Juan Ramón Jiménez (3969-440)*

*Á vista das actuacións desta Mesa de Contratación e dos informes de valoración das ofertas presentadas, por unanimidade dos asistentes, se propón á Xunta de Goberno Local, na súa calidade de órgano de contratación (disposición adicional 2º TRLCSP), a adopción do seguinte acordo:*

*“Primeiro.- Tomar razón do acordo adoptado pola Mesa de Contratación, na súa sesión de data 27 de decembro de 2017 de “Desestimar as alegacións formuladas por CONSTRUCCIONES FECHI, SLU, ao informe de valoración do “Sobre B, proposición avaliable mediante xuízo de valor”, do enxeñeiro de camiños, canais e portos municipal, a técnica media de obras públicas, o xefe da oficina de supervisión de proxectos e o xefe do servizo Administrativo e Control Orzamentario, de data 16 de decembro de 2016, polas razóns expostas no informe do enxeñeiro de camiños, canais e portos municipal, de data 26 de decembro de 2016”.*

*Segundo.- Excluir do procedemento aberto para a contratación das obras de humanización da avenida das Camelias, entre a rúa Doutor Marañón e a rúa Juan Ramón Jiménez (3969-440) aos licitadores UNIKA PROYECTOS Y OBRAS, SAU; HORDESCON, SL; EXTRACO, SA e COPCISA, SA, por*

conter a súa oferta valores anormais ou desproporcionados e non ter xustificado os mesmos.

Terceiro.- Clasificar, de acordo cos criterios de adxudicación sinalados no prego, as proposicións admitidas neste procedemento na seguinte orde decrecente:

	Empresas	Puntuación
1	MISTURAS, S.A.	95,46
2	CIVIS GLOBAL, SLU	91,54
3	AVAN INTEGRAL, SL	90,93
4	PETROLAM INFRAESTRUCTURAS, S.L.	90,71
5	CONSTRUCCIONES FECHI, SLU	89,99
6	UTE XESTION AMBIENTAL DE CONTRATAS, S L Y CONST. OREGA, S L	87,71
7	O3 SERVICIOS Y CONTRATAS, S L -OGMIOS PROYECTO, S L	87,18
8	ACCIONA INFRAESTRUCTURAS, S A	86,25
9	CONSTRUCIONS, OBRAS E VIAIS, S A	85,98
10	NAROM, S.L.	84,69
11	UTE EXCAVACIONES Y CONST. LAUREANO COVELLO, S A-ALVAC S A	83,97
12	UTE PRACE, SERVICIOS Y OBRAS, S A - MARCONSA	83,43
13	UTE ACEVI, SL-MONTAJES J.M. IGLESIAS, S L	82,31
14	ORESA, S L	82,00
15	JOCA INGENIERIA Y CONSTRUCCIONES, S A	80,75
16	S.A. DE OBRAS Y SERVICIOS COPASA.	76,98
17	EXCAVACIONES Y CONSTRUCCIONES PEREZ, S L	72,78

Cuarto.- Requerir ao licitador clasificado en primeiro lugar para que presente, no prazo de dez días hábiles, a contar desde o seguinte a aquel en que reciban o requirimento, a seguinte documentación (artigo 151.2 TRLCSP):

1. Declaración responsable de non estar incurso en prohibición de contratar.
2. Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.
3. A documentación esixida nas cláusulas 8 e 21 do prego de cláusulas administrativas particulares.
4. Resgardo da garantía definitiva.
5. Resgardo da garantía complementaria por importe de 32.140,45 €.

Quinto.- Requerir a citado licitador o aboamento de 654,12 euros en concepto de custos dos anuncios de licitación”.

## **Acordo**

A Xunta de Goberno local aproba a precedente proposta.

**5(1387).- PROXECTO DE CONVENIO DE COLABORACIÓN COA DEPUTACIÓN PROVINCIAL DE PONTEVEDRA PARA A CESIÓN A O CONCELLO DE VIGO DA “ESTRADA PROVINCIAL 2002- GRAN VÍA AVDA. MADRID. RÚA EMILIA PARDO BAZÁN” E PARA A EXECUCIÓN DO PROXECTO DE HUMANIZACIÓN DA “ESTRADA PROVINCIAL 2002- GRAN VÍA AVDA. MADRID. RÚA EMILIA PARDO BAZÁN, NO TREITO ENTRE GRAN VÍA E A AVDA. ARQUITECTO PALACIOS. EXPTE. 4152/440.**

Examinadas as actuacións do expediente, visto informe xurídico do 26/12/16 e o informe de fiscalización da mesma data, dáse conta do informe-proposta de data 26/12/16, asinado polo xefe do Servizo Administrativo e Orzamentario e o Concelleiro delegado da Área de Fomento, que di o seguinte:

### **ANTECEDENTES**

**Primeiro.-** En data 13.12.2016 o Concelleiro Delegado da Área de Fomento, tendo en conta os motivos expostos na memoria técnica elaborada polo Enxeñeiro de Caminos, Canais e Portos municipal, en data xuño de 2016, resolve iniciar expediente para a elaboración e aprobación de ser o caso por parte do Concello de Vigo e a Deputación Provincial de Pontevedra dun convenio para iniciar o procedemento previsto na vixente Lei de Estradas de Galicia para a cesión por parte da Deputación Provincial ao Concello de Vigo da titularidade da “RÚA EMILIA PARDO BAZÁN (ENTRE GRAN VÍA E ARQUITECTO PALACIOS); manifestar a conformidade de ámbalas dúas administracións locais na dita cesión de titularidade e articular a colaboración entre a Deputación Provincial de Pontevedra e o Concello de Vigo para a financiación e a execución das obras precisas para a humanización da citada rúa.

**Segundo.-** O xefe do Servizo administrativo e control orzamentario da Área de Fomento, co conforme do Concelleiro delegado da Área á vista do protocolo de Colaobración entre a Deputación Provincial de Pontevedra e o Concello de Vigo para a execución de actuacións estratéxicas en infraestruturas viais e dotacións, asinado o 26.12.2015 redacta a Memoria Xustificativa do presente convenio.

**Terceiro.-** O Xefe do Servizo Xurídico de Servizos Xerais emite informe xuridico concluíndo que non existe inconvinte legal para que a Xunta de Goberno Local aprobe o convenio entre o Concello e a Diputación para a cesión a este da Estrada Provincial 2002 – Gran Vía Avda. Madrid. Rúa Emilia Pardo Bazán e para a execución do proxecto de humanización da Estrada Provincial 2002 – Gran Vía Avda. Madrid Rúa Emilia Pardo Bazán no treito comprendido entre a Gran vía e a Avda. Arquitecto Palacios.

### **FUNDAMENTOS**

#### **1.- Lexislación aplicable**

–Lei 40/2015, de 1 de outubro, de Réxime Xurídico do Sector Público.

- Lei 39/2015, de 1 de outubro, do Procedemento Administrativo Común das Administracións Públicas.
- Lei 19/2013, de 9 de decembro de Transparencia
- Lei 7/1985, de 2 abril, reguladora das bases de réxime local (LRBRL)
- Lei de administración local de Galicia, 5/1997, do 22 de xullo
- Normativa reguladora da contratación das Corporacións locais, constituída pola polo Real Decreto Legislativo 3/2011, de 14 de novembro, polo que se aproba o texto refundido de la Ley de Contratos del Sector Público e RD 1098/2001, de 12 de outubro, polo que se aproba o Regulamento xeral da Lei de contratos
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local
- RDL 781/1996, de 18 de abril, polo que se aproba o Texto refundido das disposicións legais vixentes en materia de réxime local (TRRL)RD 1372/1986, de 13 de xuño, polo que se aproba o Regulamento de bens das entidades locais (RBEL)
- Real decreto lexislativo 2/2004, de 5 de marzo, polo que se aproba o Texto refundido da Lei reguladora das facendas locais
- Lei 38/2003 do 17 de novembro, xeral de subvencións
- RD 887/2006, de 21 de xuño, polo que se aproba o Regulamento da lei xeral de subvencións
- Lei 9/2007, de 13 de xuño, de subvencións de Galicia
- D 11/2009 de 8 de xaneiro polo que se aproba o Regulamento da Lei de subvencións de Galicia
- Bases de execución orzamento Concello De Vigo 2016

## **II.- Convenio**

A celebración de convenios de colaboración entre entidades de dereito público, atópase prevista nos artigos 47 e seguintes da Lei 40/2015 de réxime xurídico do sector Público, así como 194 e 195 da Lei 5/1997, de administración local de Galicia

En canto ó seu contido e procedemento, axustado á lexislación de procedemento administrativo e de subvencións, detállase no informe xurídico obrante no expediente.

O interese xeral e a conveniencia na concertación do convenio, recóllese na Memoria xustificativa do convenio, documento obrigado segundo sinala o art 199 LALG.

Trataríase, por unha parte, da cesión da titularidade dun tramo de vial motivado pola absorción polo tecido urbano da cidade do mesmo e por outra continuar coas amplas intervencións realizadas nos últimos anos nas vías públicas, entre as que figuran as encamiñadas a transformación sostible da infraestrutura viaria municipal, como son, segundo se xustifica no proxecto técnico, ás que se refire o convenio.

## **III.-Procedemento e competencia**

Consta no expediente de aprobación do convenio os documentos necesarios para a súa tramitación: informe técnico, orde de inicio, memoria do convenio e texto do mesmo e informe xurídico.

O artigo 25. 2. d) da Lei 7/1985, de 2 de abril, reguladora das Bases de Réxime Local, na redacción dada pola lei 27/2013, atribúe ás Administracións municipais competencia en materia de infraestrutura viaria.



No orzamento do ano 2017, aprobado inicialmente polo Pleno Municipal figura crédito adecuado e suficiente para a anualidade do ano 2017 na aplicación orzamentaria 1532.6190009.

Antes da súa aprobación pola Xunta de Goberno, deberá emitir informe a Intervención Xeral do Concello.

De conformidade co artigo 127.1.g) LRBRL, corresponderá á Xunta de Goberno Local a aprobación do convenio .

O art. 8.1. letra “b” da Lei de transparencia obriga a dar publicidade do convenio que se aprobe.

Á vista das anteriores circunstancias, e previo informe da Intervención Xeral, formúlase á Xunta de Goberno Local, en uso das facultades que lle confire a lexislación vixente, a seguinte

### **PROPOSTA**

**Primeiro.-** Aprobar o convenio de colaboración entre o Concello de Vigo e a Diputación provincial de Pontevedra para A CESIÓN A ESTE DA ESTRADA PROVINCIAL 2002 - GRAN VÍA AVDA. MADRID. RÚA EMILIA PARDO BAZÁN E PARA A EXECUCIÓN DO PROXECTO DE HUMANIZACIÓN DA ESTRADA PROVINCIAL 2002 - GRAN VIA AVDA MADRID. RÚA EMILIA PARDO BAZÁN, NO TREITO COMPRENDIDO ENTRE A GRAN VÍA E A AVDA. ARQUITECTO PALACIOS, transcrito como Anexo.

**Segundo.-** Solicitar da Deputación provincial de Pontevedra a aprobación e suscripción do citado convenio que se anexa.

**Terceiro.-** Asumir as obrigas económicas do convenio nos termos do mesmo. Trátase dun gasto plurianual, coa seguinte distribución de anualidades para o Concello de Vigo: 2016- 0, 2017- 242.579,70; 2018- 957.420,30; polo que se modifican as porcentaxes de gastos establecidas para os importes plurianuais, en base ao disposto no artigo 174 do RDL 2/2004 de 5 de marzo que aproba o texto refundido da Lei de Facendas Locais.

Para a súa financiación, aplicaranse os créditos do orzamento do ano 2017 aprobado inicialmente no Pleno do Concllo de Vigo, incluídos na aplciación orzametrnaria 1532.6190009 “Conv. Infraestructura Dep. Pontevera, % F.Propia”. A anualidade do ano 2018 debe ser incorporada nos orzamentos do citado ano.

En relación ao proceso de adxudicación debe indicarse que de producirse baixa no prezo de adxudicación, a contía da baixa será de aplicación no importe que corresponda aportar ao Concello de Vigo.

**Cuarto.-** Comprometerse a dar cumprimento ás condicións do convenio nos termos do mesmo.

**Quinto.-** Dar conta do presente acordo á Concellería de Xestión municipal ós efectos de publicidade

### **ACORDO**

A Xunta de Goberno local aproba a proposta contida no precedente informe.

*“CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE VIGO PARA A CESIÓN A ESTE DA ESTRADA PROVINCIAL 2002 - GRAN VÍA AVDA. MADRID. RÚA EMILIA, PARDO BAZÁN E PARA A EXECUCIÓN DO PROXECTO DE HUMANIZACIÓN DA ESTRADA PROVINCIAL 2002 - GRAN VIA AVDA MADRID. RÚA EMILIA PARDO BAZÁN, NO TREITO COMPRENDIDO ENTRE A GRAN VÍA E A AVDA. ARQUITECTO PALACIOS.*

*En Vigo, \_\_\_\_ de \_\_\_\_\_ de 2016*

#### **REUNIDOS**

*Dunha parte, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.*

*Doutra, Don Abel Caballero Álvarez, Alcalde-Presidente do Concello de Vigo, na representación legal que desta Administración municipal lle atribúe o artigo 124.4.a) do mesmo texto legal.*

*Interveñen, en calidade de secretaria do Concello de Vigo, D<sup>a</sup> M<sup>a</sup> Concepción Campos Acuña e, como secretario xeral da Deputación de Pontevedra, D. Carlos Cuadrado Romay, que dan fe do acto que se celebra.*

*Ámbalas dúas partes declaran e se recoñecen mutuamente a capacidade e a representación necesaria para a sinatura do presente convenio de colaboración, e a estes efectos*

#### **EXPOÑEN**

*I.- Que a rede de estradas da Deputación Provincial de Pontevedra inclúe no termo municipal de Vigo, entroutras, a “Estrada Provincial 2002-Gran Vía Avda. Madrid. Rúa Emilia Pardo Bazán”; estrada provincial que, absorbida co paso do tempo polo tecido urbano da cidade e nomeada hoxe como rúa Emilia Pardo Bazán, presenta na actualidade características tipicamente urbanas ao longo dos oitocentos cincuenta metros que median entre a Avenida de Madrid e a intersección coa Avda Arquitecto Palacios, con edificacións densas en ámbalas dúas marxes da rúa e unha alta intensidade de circulación rodada e peonil.*

*II.- Que, como auténtica travesía urbana dunha estrada provincial na que concorren as circunstancias sinaladas no artigo 8 da Lei 8/2013, de 28 de xuño, de Estradas de Galicia, ambas administracións públicas consideran que o devandito treito urbano da “Estrada Provincial 2002 - Gran Vía Avda. Madrid. Rúa Emilia Pardo Bazán” debe adquirir a condición de vía urbana, pasando a súa titularidade ao Concello de Vigo e adaptando este treito a á súa actual situación de vía urbana, eliminando barreiras e dotándoo dos espazos de aparcamento e da mobilidade e permeabilidade transversal que a actual situación de rúa urbana demanda.*

*III.- Que, a fin de iniciar as actuacións conducentes á adaptación e transformación sostible do devandito treito urbano da “Estrada Provincial 2002-Gran Vía Avda. Madrid. Rúa Emilia Pardo Bazán”, os servizos técnicos do Concello de Vigo elaboraron a “Memoria-resumo da humanización da rúa Emilia Pardo Bazán entre a Gran Vía e a Avda. Arquitecto Palacios”;*

*memoria que, achegada, como anexo, ao presente convenio, ten por obxecto definir sucintamente e valorar a o custe de execución das obras para a substitución da pavimentación da rúa, reorganización de usos e renovación de determinados servizos urbanos soterrados xa obsoletos e servir de base para a redacción do futuro proxecto construtivo.*

*IV.- Que na devandita memoria estímase o orzamento de execución por contrata das obras para a humanización do treito urbano obxecto do presente convenio na cantidade de 2.890.688,26 euros (IVE incluído) e en 109.311,74 euros, IVE incluído, os custes de redacción de proxecto, asistencia técnica á dirección de obra e coordinación de seguridade e saúde, do que resulta un custe estimado total para a actuación de humanización da rúa de 3.000.000,00 euros.*

*V.- Que, no exercicio das súas respectivas competencias, a Deputación Provincial de Pontevedra e o Concello de Vigo, con data 20 de novembro de 2015, asinaron un protocolo de colaboración en orde a afondar na colaboración administrativa entre ambas institucións e, especialmente, para a cooperación na planificación e execución dos proxectos e actuacións que no propio convenio se sinalan; actuacións e proxectos entre os que se inclúen, no que ao presente convenio importa, os encamiñados á transformación sostible da infraestrutura viaria no Concello de Vigo.*

*VI.- Que no devandito protocolo de colaboración se convén que as distintas actuacións nel previstas, se desenvolverán a través de convenios específicos, cuxa execución administrativa, técnica e contractual corresponderá ao Concello de Vigo, que deberá observar os procedementos de avaliación e seguimento da execución dos convenios a establecer nestos.*

*VII.- Que, de acordo coas precedentes consideracións, co obxecto de iniciar o procedemento previsto na vixente Lei de Estradas de Galicia para a entrega ao Concello de Vigo da “Estrada Provincial 2002-Gran Vía Avda. Madrid. Rúa Emilia Pardo Bazán”, no tramo comprendido entre a Avenida de Madrid e a intersección coa Avda. Arquitecto Palacios”, manifestar ámbalas dúas administracións locais a súa conformidade coa dita cesión da titularidade do dito treito e, en desenvolvemento do protocolo de colaboración arriba referido, que contempla, segundo vai dito, como un dos seus obxectivos estratéxicos a transformación sostible das infraestruturas viarias e dotacionais, como é a referida humanización da rúa Emilia Pardo Bazán entre a Gran Vía e a Avda. Arquitecto Palacios da Estrada, a Xunta de Goberno Local do Concello de Vigo e a Deputación Provincial de Pontevedra acordaron aprobar o presente convenio de colaboración, que asinan agora os aquí comparecentes, con arranxo ás seguintes*

## CLÁUSULAS

### *PRIMEIRA.- OBXECTO.*

*É obxecto do presente convenio iniciar o procedemento previsto na vixente Lei de Estradas de Galicia para a cesión por parte da Deputación Provincial ao Concello de Vigo da titularidade da “Estrada Provincial 2002-Gran Vía Avda. Madrid. Rúa Emilia Pardo Bazán”, no tramo comprendido entre a Avenida de Madrid e a intersección coa Avda. Arquitecto Palacios; manifestar a conformidade de ámbalas dúas administracións locais na dita cesión de titularidade e articular a colaboración entre a Deputación Provincial de Pontevedra e o Concello de*

Vigo para a financiación e a execución das obras precisas para a transformación e humanización da rúa Emilia Pardo Bazán entre a Gran Vía e a Avda. Arquitecto Palacios.

**SEGUNDA.- OBRIGAS E DEREITOS PARA AS PARTES ASINANTES.**

**PARA A DEPUTACIÓN PROVINCIAL DE PONTEVEDRA**

1) A Deputación Provincial de Pontevedra obrígase a iniciar, de conformidade co disposto nos artigos 8 e 9 da Lei 8/2013, de 28 de xuño, de Estradas de Galicia, e concordantes do seu regulamento de desenvolvemento, o procedemento para a entrega ao Concello de Vigo da "Estrada Provincial 2002-Gran Vía Avda. Madrid. Rúa Emilia Pardo Bazán", no tramo comprendido entre a Avenida de Madrid e a intersección coa Avda. Arquitecto Palacios; procedemento para o cal a sinatura do presente convenio ten para o Concello de Vigo a consideración de solicitude formal de entrega y para a Deputación Provincial de Pontevedra manifestación expresa da súa conformidade coa cesión da titularidade.

2) Aprobada que sexa pola Administración Provincial a cesión da titularidade da "Estrada Provincial 2002-Gran Vía Avda. Madrid. Rúa Emilia Pardo Bazán", no tramo comprendido entre a Avenida de Madrid e a intersección coa Avda. Arquitecto Palacios, a Deputación Provincial de Pontevedra comprométese a financiar os custes derivados da realización das obras, redacción de proxecto, asistencia técnica á dirección de obra e coordinación de seguridade e saúde, cunha achega íntegra do sesenta por cento das cantidades estimadas na memoria "Memoria-resumo da humanización da rúa Emilia Pardo Bazán entre a Gran Vía e a Avda. Arquitecto Palacios" como custes da ditas actuacións, isto é ata a cantidade de 1.800.000,00 euros, que será librada contra a presentación das correspondentes certificacións de obra e facturas do gasto efectuado e na parte proporcional do financiamento e de ser o caso na certificación final será liquidado o importe restante ata o abono íntegro do importe comprometido

A financiación comprometida pola Deputación Provincial de Pontevedra terá carácter definitiva.

3) A Deputación Provincial someterá os proxectos de obra obxecto deste convenio á supervisión e comprobación dos seus servizos técnicos, e se o estima oportuno, poderano someter á aprobación do órgano de goberno que corresponda, coa finalidade de autorizar as actuacións previstas nos mesmos.

4) A Deputación Provincial poderá inspeccionar a execución das obras obxecto do presente convenio e formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.

5) Non obstante, as actuacións estarán sometidas á comprobación explícita da execución da obra por parte dos servizos técnicos da Deputación Provincial.

6) Nas subvencións de capital superiores a 60.000 euros, no seu cómputo individual, destinadas a investimentos en activos tanxibles, será requisito imprescindible a comprobación

*material da inversión polo órgano concedente debendo quedar constancia no expediente xustificativo.*

*7) A comprobación material definida no parágrafo anterior poderase encomendar a outro órgano distinto do que concedeu a subvención.*

**PARA O CONCELLO DE VIGO:**

*O Concello de Vigo, pola súa parte, aprobada que sexa pola Administración autonómica a cesión da titularidade do tramo urbano de referencia, obrígase a:*

*1) Redactar e aprobar o/s correspondente/s proxecto/s de obra, debendo remitir un exemplar aprobado á Deputación Provincial.*

*2) Contratar as asistencias técnicas á dirección de obra e coordinación de seguridade e saúde.*

*3) Obter as correspondentes licenzas e tramitar ante outros organismos as autorizacións pertinentes que fosen precisas.*

*4) Financiar os custes derivados da realización das obras, redacción de proxecto, asistencia técnica á dirección de obra e coordinación de seguridade e saúde, ata a cantidade máxima do cuarenta por cento das cantidades estimadas na memoria "Memoria-resumo da humanización da rúa Emilia Pardo Bazán entre a Gran Vía e a Avda. Arquitecto Palacios" como custes da ditas actuacións, isto é ata a cantidade máxima de 1.200.000,00 euros.*

*5) Licitar, dirixir, executar, controlar e recibir as obras segundo os correspondentes proxectos técnicos.*

*6) Remitir, unha vez formalizados os contratos de obra, unha copia destes á Deputación Provincial, e comunicar a data e hora en que terá lugar a comprobación do replanteo, á que asistirá, de consideralo procedente un representante da Deputación.*

*7) Xustificar perante a Deputación os investimentos realizados mediante a expedición das correspondentes certificacións de obra aprobadas polo órgano competente do Concello; aboándose para cada certificación que se presente a parte proporcional en relación ao custe total do investimento.*

*8) Comunicar á Deputación a data e hora en que terá lugar o acto de recepción das obras, ao que asistirá, de consideralo procedente, un representante da institución provincial.*

*9) Dar a adecuada publicidade a este convenio, de tal xeito que quede constancia que as obras obxecto do mesmo se levaron a cabo en colaboración coa Deputación de Pontevedra.*

*10) Levar a cabo o mantemento e conservación das infraestruturas obxecto deste convenio, tendo a asunción da dita responsabilidade desde o día seguinte ao da formalización da acta*

de recepción de obras coas obrigas establecidas na normativa patrimonial das administracións públicas.

11) Destinar os fondos percibidos ó obxecto concreto para o que foron concedidos.

12) Unha vez finalizadas as actuacións o Concello queda obrigado a remitir unha memoria á Deputación onde se xustifique o cumprimento dos obxectivos acadados e o cumprimento da obriga de difusión da colaboración da Deputación nestas actuacións.

13) Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.

14) Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ó Tribunal de Contas e ao Consello de Contas.

15) Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de Subvencións de Galicia e en especial as recollidas no artigo 11 da mesma. Tamén será de aplicación o establecido no Decreto 11/2009, do 8 de xaneiro, na Lei 38/2003 Xeral de Subvencións e no seu regulamento, aprobado polo Real Decreto 887/2006, de 21 de xullo.

**TERCEIRA.- EXECUCIÓN DO CONVENIO e FINANCIACIÓN.**

1º.- A execución das actuacións e contratos a que o presente convenio se refire e o financiamento dos mesmos por parte de ambas institucións terá lugar durante os anos 2016, 2017 e 2018, unha vez aprobada pola Administración Provincial a cesión da titularidade do tramo urbano de referencia, nos importes que de seguido se indican:

	Total da aportación máxima	2016	2017	2018
Deputación Provincial de Pontevedra	1.800.000,00 €	770.000,00 €	1.030.000,00 €	0,00 €
Concello de Vigo	1,200.000,00 €	0,00 €	242.579,70 €	957.420,30 €
Total investimento	3.000.000,00 €	770.000,00 €	1.272.579,70 €	957.420,30 €

Non obstante, o eventual reaxuste das anualidades da execución dos citados contratos provocará o reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial de Pontevedra no expediente que se inicie para o reaxuste da anualidade de calquera dos ditos contratos e da resolución que se dite.

2º.- Aprobado que sexa o proxecto das obras obxecto deste convenio, o Concello de Vigo remitirá copia do mesmo á Deputación Provincial para o seu coñecemento.

3º.- *Formalizado o contratos de obras para a execución do proxecto a que se refire o anterior parágrafo, remitirase copia do mesmo á Deputación Provincial e comunicarse a esta, a data e hora en que terá lugar a comprobación do replanteo, á que asistirá, de consideralo procedente a Corporación provincial, un representante desta. A copia da acta que se levante será remitida á Deputación Provincial coa primeira certificación de obra que expida o director da mesma*

4º.- *O Concello de Vigo comunicará á Deputación Provincial a data e hora en que terá lugar, ao remate das obras do proxecto ou proxectos, o acto de recepción destas, ao que asistirá, de consideralo procedente a Corporación provincial, un representante ou facultativo desta. A administración municipal remitirá á provincial copia da acta do dito acto de recepción e certificación das resolucións da Xunta de Goberno Local aprobatorias da recepción das obras executadas e da certificación final das mesmas.*

5º.- *En todo caso, a achega ao Concello de Vigo farase efectiva mediante transferencia bancaria, unha vez presentada a seguinte documentación.*

- *Orixinal ou copia compulsada das facturas expedidas polas empresas adxudicatarias dos traballos realizados.*
- *Certificacións de obra executada. Xunto coa primeira certificación se remitira unha proba gráfica da difusión dada ó investimento que se financia coa axuda da Deputación.*
- *Certificación ou acto de aprobación/conformidade dos gastos polo órgano municipal.*
- *Nomeamento do Director de obra e coordinador de seguridade e saúde.*
- *Contrato/s de adxudicación da/s obra/s, nos casos que sexa necesario.*
- *Acta/s de recepción, unha vez rematado/s os investimentos.*
- *Declaración do conxunto de axudas solicitadas, tanto as aprobadas ou concedidas como as pendentes de resolución, para a actividade obxecto deste convenio, das distintas administracións públicas competentes ou calquera dos seus organismos, entes ou sociedades.*
- *O concello poderá realizar xustificacións parciais, que responderán ao ritmo de execución da obra, que se aboarán pola contía equivalente á xustificación presentada.*

#### **CUARTA.- PUBLICIDADE:**

*En toda a documentación e informacións relativas ás actuacións a que se refire o presente convenio se incluírá a imaxe corporativa que a este fin facilite a Deputación Provincial de Pontevedra e nelas figurará, tamén, de maneira destacada o financiamento das ditas actuacións pola Deputación Provincial. Nas obras figurará sempre un panel informativo no que, ademais dos datos necesarios esixidos pola normativa municipal, figurará a imaxe corporativa da Deputación Provincial de Pontevedra e o financiamento da Administración provincial destas actuacións viarias.*

#### **QUINTA.- COMPATIBILIDADE CON OUTRAS SUBVENCÍONS**

*As achegas económicas previstas no presente convenio serán compatibles con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.*

*Porén, o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actuación subvencionada.*

#### **SEXTA.- COMISIÓN DE SEGUIMIENTO E CONTROL.**

*Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.*

*Corresponderá á Comisión de Seguimento:*

- A puntual recepción de información sobre tódalas as actuacións que se produzan na execución dos contratos a que este convenio se refire*
- A coordinación entre as administracións asinantes na execución e financiamento do convenio, ditando ao efecto as instrucións oportunas*
- A resolución das dúbidas que presente a interpretación do convenio e, no seu caso, a emisión de informe se a dúbida ten de ser resolta polos órganos de goberno das administracións asinantes.*
- A emisión informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire.*
- A formulación das propostas que procedan en relación ás cuestións a que os seus informes se refiran.*

*A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros, e en todo caso unha vez ao mes. As súas reunións terán lugar na Casa do Concello de Vigo. Na reunión constituínte da Comisión de Seguimento designarase ao responsable da mesma e ao seu secretario que levantará acta das súas reunións.*

#### **SÉTIMA.- VIXENCIA DO CONVENIO DE COLABORACIÓN**

*O presente convenio de colaboración entrará en vigor na data da súa sinatura e terá vixencia ata o remate das actuacións previstas nel, fixándose en todo caso un prazo límite de execución ata o 31 de decembro de 2018. A vixencia do presente convenio de colaboración poderá prorrogarse coa conformidade expresa das partes.*

#### **OITAVA.- EXTINCIÓN DO CONVENIO.**

*O Convenio extinguirase polo cumprimento das actuacións que constitúen o seu obxecto ou por incorrer en causa de resolución.*

*Serán causas de resolución:*



1º.- O transcurso do prazo máximo de vixencia do convenio.

2º.- O acordo unánime dos asinantes.

3º.- O incumprimento das obrigas e compromisos asumidos por parte dalgún dos asinantes. Neste caso, notificarase á parte incumpridora un requirimento para que, no prazo que se sinala, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento. Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.

**NOVENA.- RÉXIME XURÍDICO.**

O presente convenio ten natureza administrativa e rexerese pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado.

### **Acordo**

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás once horas e cincuenta e cinco minutos. Como secretaria dou fé.

me.

O ALCALDE

A CONCELLEIRA-SECRETARIA  
DA XUNTA DE GOBERNO LOCAL,

Abel Caballero Álvarez.

Olga Alonso Suárez.